

鉅

水

齋

詩

集

餅水齋詩集卷十六

大興舒位立人

昭陽作醴

初春句容道上作

去年從此還山隱雪羣積今年從此來雪盡山獨立憶昨天
同雲滕六逞雄力掩映寒江姿遮攔好山色陽春俄轉旋我
是遠行客看山山有靈踏雪雪無迹詩思驢背空行蹤鴻爪
畫靄爲今日山莫作去年雪

題羅兩峰鬼趣圖

第一幅一鬼碩腹一鬼半身

忽然公子彭生見狹路相逢逸其半雌雄撲簌難具詳或者
李洛姬肚徐妃妝此腹何所有陳陳太倉積彼體何所無著

素巨靈臂乃知奇醜莫如鬼三斗爛腸尺八腿對影聞聲定
可憐噬臍割臂相周旋

第二幅一鬼鮮衣科頭一鬼奴赤體著帽相隨

生卽彈冠死脫帽袷服九原正年少平頭奴子岌岌然彼我
易觀更相笑君不見主人衣服麗且都其僕乃至寒無襦主
人黑頭僕赤體粉墨慘澹丹青籠爾何不作徐甲謝老子但
見鼻涕一尺困苦乞爲奴如此猶復乞爲奴鬼或有之人則
無

第三幅男女二鬼相謔旁立無常使者

鳥之雌雄馬之牝牡任圜是何蟲豸董龍是何雞狗亦復形
影贈答魂魄邂逅是耶非耶嘉耦怨耦不知有天高地厚但
知有天長地久五百羅漢降龍伏虎不能爲之守十八地獄

牛頭馬而不能爲之走此是婁豬豕獬逋逃數過去未來現在三不朽但願雙雙一回首白衣冠者出其右吁嗟乎鬼死爲聾有時有

第四幅一鬼植杖而坐一鬼以巨觥進酒

杖頭索索飛紙錢舉觴白眼無青天大鬼昂藏小鬼伏誰識吾公在壑谷觥船一棹不負公醉鄉捷徑泥犁通游魂爲變莫須有糟魄之義將毋同劉伶墳上土花紫日飲亡何餒而已生前骨醉鳩鳥媒死後腥聞鮑魚市若使黃泉化酒泉酒星在地不在天鋪糟啜醢亦大快初三初四殊欣然

第五幅一巨鬼長身綠毛口眼歎血兩峰於焦山僧舍見之

一尺之面七尺軀且爲老僧立斯須適從何來遽集此風毛

雨血長不死海山蒼蒼江冥冥巖樹深黑龜鏗青赤郭八百
燄九首賜之鳴夷走以脰奇奇恠恠千秋萬歲休挪揄常娥
媚防風之骨耶僑如之魄耶吳道子之筆耶

第六幅一鬼長頭鞠躬二小鬼驚避之

賈長頭范長頭冬烘先生死不休其行次且曲如鉤尻益高
腰可折耶當耶當何處來侏儒侏儒忽驚絕眠蠶何瑟縮承
蜩何痾癭頂踵守三彭膏肓逃二豎且來相背淮陰侯慎勿
責頭秦子羽

第七幅羣鬼冒雨驚走一鬼張傘蔽之傘甚破

倉頡造字天雨粟有粟不食鬼夜哭漆城蕩蕩十八重賞雨
何曾有茆屋淒涼羅刹閣浮提汎乃代瓦無油衣天雨兩人
濯骸骨地雨雨鬼洗魂魄一鬼驚而馳衆鬼濕及之復有一

鬼撐破繖毋亦傾蓋稱相知問鬼往復何所役平生能著幾兩屐今雨舊雨徒徬徨行尸走肉不見閻摩王

第八幅背仰兩骷髏

臙不伏而臙腹不坦而張去放下臭皮囊收還食肉相丁男
王女何因緣橫自陳兮君之前翻手作雲覆手雨昨日流鶯
今日蟬莊列箇言十之九至此圖窮見匕首朝生暮死萬蟬
蟬天荒地老雙骷髏上有烏鴛下有蟻神仙小影英雄記死
灰槁木不直錢祇可漆其頭以爲飲器

項道存孝廉紳寫廬山一角於便面見貽作詩謝之

香鑪峰下泊江船記得襄陽孟浩然可惜當年高詠處不邀
摩詰到開先

綠陰飛瀑聽移時一角青山絕世姿獨向秋豪顛上寫只愁

不稱我題詩

金光黛色二林東真面何如便面工不用動搖懷袖裏涼颺
已起樹當中

喻東白大令

宗嶠

屬題梧陰書屋圖

一畝之宮百尺梧蕭然秋色相扶疎吾曹妄念自結習未嘗
造屋先畫圖圖成不向圖中住天涯海角仍飢驅五斗折腰
既無米五車觸手惟有書抱珠亭上初相識春風又坐瞻園
石假饒君竟老梧陰安得相逢數晨夕人生去住各有緣吳
頭楚尾屋數椽憶我玉鑪三澗雪敝居滿城風雨催租錢君
今買山山不足君若讀書書可讀妙手能從北苑摹素心自
向南邨卜未勞朱碧更相夸只寫丹青已不俗且須小待三
千年但有此圖無此屋

暑甚偶然作

積雲馭驕景蒸雨如熱湯遲遲異春日
嗃嗃殊秋陽明知威太甚勢必不久
長奈其方執柄氣燄莫敢當側聞翠
微亭有山名清涼徑欲蠟雙屐天風
吹我裳

一蠅集俎上終日不得食一蚊入帷中
終夜不得息驅之仍復來殺之已無益
小人不在多終必誤家國要當屏腥羶
且宜嚴出入患至而後防乃是下策

揮扇尙不足解衣始相宜設使熱不減
勢將剝膚皮人心無定向輒爲寒暑移
豈知蹈湯火涉世甘如飴耐者乃可久
靜者乃見幾一熱不能忍何事可以爲

題道存畫八頁

山深林密水悠悠占得人間一種秋
摩詰烟雲當供養幼輿

邱壑易勾留若教便買三間屋未必輸封萬戶侯只恐催租漏消息何年滿壁畫滄洲

秋林茆屋

龍蛇百尺姿猿鶴千歲壽古木與高士乃是真良友臭味不差池合傳丹青手

古木高士

疎柳不添烟蘆花淺水邊絕無人到處一箇釣魚船夜雨江

湖地浮雲富貴天西風鴻雁路付與李龍眠

柳陰漁船

分明山雨欲來時山下人家冷未知若更有人嘲熱客祇教讀畫不題詩胸中已自無六月挽底乃復有千秋小窰邨

中未解事此是滄江虹月舟

做米家山

畫山能畫山外天畫樹能畫樹裏烟是何神妙恣遊戲酸鹹之外秋豪顛董源皴法有所受大癡酒瓶落誰手不妨筆陣誚重儻我亦史公牛馬走

谿橋晴翠

微雲自作秋色皓月全非世姿此景是誰領略石田時復爲之
梧桐秋月

庶幾千載乃有斯人何可一日而無此君是山陰渚是王官
谷左之右之其人如玉
左右修竹

送道存還浮梁

讀經十三部不願爲章句讀史四千年不憚爲考據誠恐有
用書讀徧無用處若但弋科名自有逢時具彼亦一絲繡此
亦一金鑄實不稱其名此吾所大懼三年軟紅塵未嘗與君
遇及此秣陵遊一見遂雅故道義崇其根文章作之寓主人
况愛客客亦安其素嬉春春已往避暑暑亦去歸興忽適然
秋風在庭樹相逢既有緣相別自有數黯然者銷魂不在去
與住胸中萬卷書足底萬里路世味混榮辱交道雜毀譽豈

無倚爨聽亦被入宮如謂君善書畫謂我工詞賦此豈吾輩
長一顧而再顧又豈吾輩福一誤而再誤秋山淨無塵江水
平可渡臨歧贈以言聊爲驅歌助君歸拜高堂婦子于時語
漪南漁隱圖是中有深趣讀經經有傳讀史史有註勿讀白
香山解者惟老嫗

初秋夕與道存廉舫坐瞻園水西亭話雨

秋雨洗秋色西池生夕陰水流三徑暗人坐一鐙深時物驚
彈指文章感寸心歲寒盟不負棖觸起微吟

楚尾吳頭路江東渭北詩最難風雨夜猶未別離時魚響池
光散蟲鳴石氣滋平原商舊約十日不嫌遲

道存將於朔月
東來廉舫更約
以初九

松石澹相賞猶勝桃李園琴樽從所好車馬不能喧折節論

交誼操觚紀事原我雖枵腹者豈敢食前言

蔣于野明經屬題虎邱倉聖祠圖

上帝文章左史家青山綠水有光華獨開俎豆千秋業全寫樓臺七里花從此鸞鴛多識字只留獅豸與驅邪學書自媿無成處目送遙天點點鴉

西轡藤枕篇

始甯陳氏秋轡目錄載明熊經略廷弼旣逮入獄其臥處有一藤枕每晚人靜禮北辰則取此枕焚香供焉已而刑有日神色不變怡然赴市就刃時奉有傳首九邊之旨西轡郎俄錄其首則法場中空無所有但見一藤枕大駭相戒勿洩而亟密報魏奄命取熊氏家人拷問大索竟無所得遂祕其事而九邊所傳

之首蓋非經略真顧也崇禎初其子兆璽連疏請首
歸葬得允亦明知非真借消冤案而已

西市朝衣慘無色忽然夢入飛頭國九仙之枕李長源一軍
之甲段秀實遠東三萬古戰場君門萬里天茫茫將軍大樹
化碧血神仙小說吹黃梁焚香夜拜圓扉裏南斗注生北注
死故應氣奪九邊兵可惜詞連六君子咄咄人心卽天意頭
責之文豈游戲且爲奇冤作解嘲獨教野史存清議君不見
嵇叔夜顏清臣曲肱富貴如浮雲廣陵散未絕此曲南城記
乃留其文

送客至莫愁湖上遂登勝棋樓有作

丁字簾櫳井字樓畫船搖出一城秋十年飄泊纔湖上

甲子歲來

金陵未嘗遊此六代銷沉此石頭謾道佳人難再得祇應少婦不知

愁栖鴉流水空消息留作詞場考異郵

如此湖山孰總持英雄兒女兩分之千秋顏色歸圖畫百戰功名似奕棋采石磯前魚潑刺鬱金堂畔燕差池滄洲滿壁篴篥引咽徧楊枝又竹枝

挹翠樓後梧桐一株百年物也頃忽自歆廉舫製以爲琴作詩誦之

曾上元龍百尺樓銀牀葉落又經秋分明絲竹都堂夢天海風濤一夜收

知音容易賞心難捉摸龍蛇避鳳鸞解辨勞薪賦枯樹更誰肯取作琴彈

十年種樹百年聲難與箏琶競此名好待梅花開斷後千秋萬歲有移情

嘉慶十有八年秋九月河南山東直隸奸民同日作亂而黃村別賊復結近畿市井無賴竝潛通太監直犯

西華門雷厲風行登時禽滅至臘月而三省悉歸蕩平矣夫發難蔓滋於內外而鋤惡株絕於日時自非天

佑皇威交相感召未克與於斯也謹爲詩紀事六首
蠢爾爲牛後狡焉相犬牙兩河黃鵠子一縣白蓮花轉戰來
楊業聞名獲呂嘉至憐強項令首爲發奸邪

單縣連轡縣橫庚出濟州登堂琴絕響入社鬼同謀問道馳
狼狽癡符役馬牛誰當名士者劉秩亦無儒

十六雄州在三千勁旅馳誰驅民作賊乃以吏爲師失馬甯
非福亡羊或未遲汝轡果何意盜弄此潢池

執挺趨慈慶持弓入建章須眉燒霹靂芒角動機槍變事非

天意 神靈在 帝旁恭聞 寬大詔中外起徬徨

宦者四星赤西南忽隱淪此都亡賴賊彼婦不祥人貞豈黃
門見妖從紫閣徇駢誅黠鬼簿袞袞軟紅塵

一月聞三捷千門送五窮不須楊柳雪何苦馬牛風神速兵
機貴昇平世運隆鐃歌春律競恰與歲成功

闕逢閣茂

項道存瞻園挹翠樓圖爲陳廉舫題時廉舫將發太
原道存已還浮梁卽以送別竝懷道存

酒闌曾見此圖成及到題詩又送行六代跡銷憑畫取一年
人住覺情生卽看東閣招賢地恰稱西園雅集名三晉雲山
九江水歌離思舊各屏營

阻風燕子磯登永濟寺題壁

城裏烏衣巷江邊紗帽洲蒼茫三日泊落拓一年遊鐵鎖因
風想珠簾隱月鉤不知雙燕子能解話春愁

山寺雪初霽開門蠟屐過幾行閒鳥雀一樹舊桺樞茶味禪
枝靜詩情壁蘚多榜人催放槳恰趁晚風和

過黃天蕩演韓蘄王與金戰事

青龍鎮上來老鸛河邊濟焦山寺下船金山廟中騎伏發洶
人謀跳免殆天意助之將軍妻據其大王塚故道鑿雖通新
城擊更利淮西趨未能江北援不繼相持黃天蕩此一大關
係可以收四京可以歸二帝上將俄成功下士忽獻計四十
八日中一敗竟塗地風雲銷壯懷玉帛競和議使馬猶長流
騎驢乃短氣

春分日雪

入春四十五日許強半春風又春雨昨朝種樹及春分百舌
無聲雙鶴語杜陵布被冷於鐵夢墮瀛洲餐玉屑醒來獨立
自蒼茫一句詩成催一雪前過燕子磯江岸天花飛泊舟三
日鐵鹿子半裘擁浪欺羅衣迴櫂來長洲開門瓦欲流江楓
漁火悄無色但見積玉射我眸三冬況未見三白凍過花朝
雪轉劇不凍梅花凍菜花并恐不能辨菽麥浮雲浩浩春堂
堂一百五日寒難量穿窗祇覺風有隧仰屋稍喜星無芒安
得快雪時晴早窮簷徧賜黃綿襖不然夜入蔡州城打起一
池鵝鴨惱

周寶夫明經

鳴鷺

采藥圖

不作葛勾漏世外神仙自老壽猶作陶通明山中宰相皆長
生君今示我采藥圖知其說者獨有吾吾暫形貌無足記懷

抱羞與凡庸殊凌烟閣上丹青筆參同契中黃白術二者往往難可兼如是世間一切疾神農赭鞭驅百草俞跗生吞無一飽不見三山徐市還又看雙鬢麻姑老飲食資身過生患衣服稱德侈生慢此時東海紅塵飛此際南山白石爛產藥之地無處無采藥之人誰與俱願君登名山讀異書蓬萊方丈種瑤草琅嬛福地抽靈樞斯民疾苦一手除忘憂蠲忿盈萱蘇乃使人無菜色天下睽不妨相君之面獨立常清癯

興更生篇

書生不能大殺賊賊殺書生亦不得殺而未殊賊之技殊而不死神之力獨不見曹縣書記興於詩賊入縣堂官不知賊衆劫官官死之遂殺官之妻孥親弗慘積屍興生父子驟聞變開門見賊當賊面子先逸出求父復入賊併斫之烏白鷺

吳王渾鑄錢鑪

縣西二十五里有大小銅山按漢書本傳但云吳有豫章銅山十道

志則云揚州有大銅山吳王渾鑄錢之所又有冶山亦其地也下有鑪鑄遺跡

楚尾吳頭古豫章誰將舐壤奉驕王西京几杖輸棋局東市

朝衣失智囊早議四銖除盜令忽開一道賜船郎

文帝時除盜鑄錢令

賈誼賈山皆諫不從復賜鄧通嚴道銅山當時吳鄧錢徧天下而渾得擅銅鹽之利遂萌異志賸教遺跡嫌

銅臭始信多藏必厚亡

東巡賦詩臺

在城子山陸師志云魏主丕臨江觀兵立馬賦詩築臺而還又名東巡

千羣鐵騎萬樓船博得新詩一短篇生子已曾加九錫觀兵

空自費三年

黃初四年至六年凡三次伐吳皆臨江而還未嘗敢渡

解嘲築室興農句

子桓詩典農淮泗間築室都徐方

失意燒橋屯渚邊可歎益州風利候金陵

王氣又蕭然

謝公新城

謝安出鎮廣陵時所築壘也時會稽王道專權謀變築此備之在縣東十里

揚州刺史會稽王太傅新城接建康半壁江山自形勝中年

絲竹太淒涼代興妖夢終須驗泛海歸期竟未償今日周遭

圍故壘碧桃花下詠斜陽

其地多種桃花杜子皇紀伯紫費此度皆有詩

昭明讀書堂

在橫山西梁昭明太子嘗讀書於此唐咸通中僧神堅以堂爲太子院宋時城

南有昭

明祠

秋衾銅輦夢匆匆腸斷臺城夕照中文選樓開懷正序讀書

堂改記咸通一家詞賦名山綠六代烟花戰血紅此是因緣

香火地東宮三萬歎飛蓬

白沙亭

在白沙洲上唐時所建韋應物有白沙亭逢吳叟長歌顧況送張卿大理詩有白沙洲上

江離長句按南史齊高帝時元魏南侵乃於江北置軍二十一處白沙洲其一也又宋張耒有鵬舟白沙

亭下詩

江洲亭子白沙摩送客逢人喚柰何天寶年來詞客少建康

軍下將才多寒聲雁勒三秋陣遠影鷗馴萬里波無限躊躇
懷古意幾時艤棹一聞歌

仙人掌

久傳爲柳耆卿墓今實無之

漸看木葉下亭皋奏御無端首重搔黃土難尋仙掌路紅牙
空按鬱輪袍斷魂風月人宜醉落魄江湖句不豪爭似吹簫
姜石帚馬塍聞占一蓬蒿

東園

宋皇祐時發運使施昌言許元判官馬遵因州監軍廢營地爲之歐陽修作記蔡襄書梅堯臣

賦詩一燬於靖康之兵再廢於開禧之亂今但存其故址而已

廬陵文字宛陵詩況有君謨寫付之可惜東園游宴地重經
南渡亂離時白沙翠竹無人識流水青山有夢思始信襄陽
羊太傅邀人墮淚讀殘碑

慧日泉

在天甯寺藏經樓下東坡自儋耳召還道出真州愛楞伽菴地留寫光明經寺有井酌水

品之爲
題此名

偶愛清泉手自銘至今佳話記天甯早年仕宦三竿日末路
文章一卷經飲水楞伽明澹泊買田陽羨悵飄零若教真跡
光明在便築東坡墨妙亭

國信使館

在城中賈似道羈留元行人郝經十六年
於此西有鏡筍亭經隔戶著書之處也

福華編就夢華塵襄鄧三年草不春北海已聞蘇屬國西河
猶館魯行人著書不礙窮愁事降表難留富貴身至竟木棉
菴裏去誤人家國此庸臣

文丞相祠

卽大忠節祠在城東門外水關之右按公
爲伯顏拘留至京口與架閣柱許等夜覓

小艇亡入

眞州州守苗再成共謀興復而制置使李

庭芝聽逃

兵之訛言檄苗使殺公苗不忍也公遂得

由揚州通州航海去計
留眞州者不過三日耳

錢唐江上看揚塵瓜步洲邊暗問津奉幣不充祈請使銜枚

肯作說降人千秋柴市酬生祭一嶺梅花現後身

明史閣部夢文丞相

入室而生見明史葉本傳頗有孤城三日住至今俎豆尚莘莘

黃將軍墓

明靖南侯黃得功墓方山梵天寺旁石壙周遭中葬其母氏

四面山河十里關旌旗慘澹石屏顏能驅跋扈將軍去難送

無愁天子還一嶺衣冠留碧血

謂史閣部也黃軍時隸閣部麾下

百年風木

傍青山諸天鐘梵空憑弔猿鶴沙蟲太等閒

屠孟昭大令招集湘靈館觀吳雪樵手製梅花髻几歌

寫花著紙花生筆鏤花入几花有骨不知原是此花身潑城

蕩蕩飛明月使君本自木天來五雲閣畔吟官梅刻畫雖非

刀筆更遊戲乃成几案才孤山風雪邨前植滄江書畫船中

得沾丐應留一瓣香摩挲不覺三分入畫工化工歸一家攻

木之工更足夸媿我三年空刻楮愛君一縣盡栽花湘靈館

裏秋無暑座上杯中各有所爲燒高燭照妝成忍當酒籌折
枝舞夜涼人靜去遲遲修到梅花此一時若教別撰梓人傳
更與重題隱士詩

蕭子山明經出示南北朝詠史樂府不佞遲日便欲渡
江旣爲論定仍附兩詩於後以當題辭且紀別也

著書本是窮愁事對酒還爲慷慨歌十七史從何處說二千
年向此中過崢嶸歲月青開鏡飄泊江湖綠滿蓑贏得鬢絲
禪榻畔金銀三品與消磨

與君別者仍佳節

前別以七夕今別則重九矣

驅我飢來又漫遊千里相

思見陳寔

謂雲伯大令子山時授經於其嗣孟楷秀才

一篇獨行愛彭修

謂甘亭明經與

子山皆居裏東

校文東觀才難稱卜宅南邨願未酬海內天涯自惆

悵幸然韻語有陽秋

答詩

君爲吹簫常作客我因懷古一悲歌
中年哀樂情何極六代江山爾更過
風月清遊宜白舫水天閒唱自青蓑
途中歲月閒中卷一例雄心被折磨

百閱新詞邀激賞兩番佳節送遨遊
每懷孫楚詩清綺欲訪王褒路阻修
竝世才名諸子少耦畊始願幾時酬
唾壺擊碎真無奈君到淮南況暮秋

孫楚謂子蕭王
褒指仲瞿也

九日將之淮南留別子山雲伯竝贈孟楷

秋心不可極直指妙高臺一棹江湖去
滿城風雨來樽空桑葉落鴈背菊花開
城外寒山寺鐘聲首重回

閒居愛重九詩賦動江關錄別幾家夢
登高何處山微波木蘭柁佳節茱萸灣
二十四橋月吹簫且未還

最憶陳無已書堂秋樹根卻逢蕭穎士簾幕舊巢痕協律堪

千載

子山撰詠史樂府

催科又一邨

雲伯方奉檄雲間勾當公事

至須成彥會漁

父一篇存

狗馬嗤年少蟲魚屬後賢山中寄裴迪海內見斜川北郭交
游地南邨文字緣渡江消息近孤負好秋天

和詩

蕭掄

如何重九節不共爾登臺細雨雁初到暮雲人未來

重九日遲

鐵雲不至青山向余笑黃菊爲誰開爲問江頭棹何時卻載回

小病爲君喜幽然且閉關夢中秋草路樓外夕陽山邨上

遲雙槳江流定幾灣明朝重相見只當廣陵還

勞生人海內蓬轉輒辭根筆墨三生債風霜兩鬢痕新詩

還白社舊令問青邨

雲伯嘗攝令奉賢時方奉檄松江未還奉賢有青邨場

旦晚同

于役栖栖吾道存

君到真州去相逢地主賢園林顧金粟花月杜樊川小別
江湖夢幾人香火緣淮南秋色好回首望吳天

贈行詩

陳裴之

今年旱魃何鵬張已過白露仍驕陽滿城風雨邠老句追
思此景真難忘瓶水先生幸相見米價淮南問貴賤連宵
翦燭話哀鴻後日行帆背秋雁真州風景知何如江南比
石同暫蛭儒生妄議五行志長官強解河渠書湯旱七年
無足恠仲虺咎單幾人在崔甕祈雨異顏公李實催科比
元載 詔書尺一頒天衢求言不假雙干旂凡材蹴踏立
仗馬令僕局促車前驢過臺示倣桑林異地毳天槍偶然
耳人心不古始足憂誰挽積風式浮靡破觚爲圉事可知

叢臺嘖室語可噲歡愉愁苦兩無益不如還讀先生詩讀
君詩送君別所願天公降甘澤枯苗縱乏返生香浚河足
省齊民力傳聞新米來江鄉飽飯殘年好同喫看君蠟屐
妙高臺油衣代瓦計殊得不然爲文傲髯軾

夜雨泊丹陽郭外

一簇秋烟隔水生浮陰迢遞壓重城星眸月魄無消息獨聽
瀟瀟暮雨聲

黃花酒冷古重陽風緊雲繁作夜涼昔往難逢三兩點今來
何止萬千行

漢書好惡篇

余幼好奇字獨不好揚雄又嘗好奇服獨不好江充能短衣
楚製不好叔孫通能布被脫粟不好公孫宏好陳政事疏兼

好及吳公好讀循吏傳首好惟文翁好亞夫細柳好留侯赤
松好元國屯田惡張鷟鑿空好丙吉魏相休休其有容惡張
禹孔光沓沓將毋同衛青霍去病惡其由賤傭李廣程不識
好其能折衝好賢好元成賢善始善終好向而惡歆歆不孝
不忠頗好太史遷謂其文章工亦好董仲舒信其禮樂宗好
司馬相如而惡當盧庸好河間獻王而惡應聲蟲甚不好京
房數盡非理窮更不好晁錯霸術無王功好方朔執戟不進
主人翁因好中屠嘉馳檄困狡童好朱雲折檻願從關龍逢
遂好辛慶忌免冠回天聰偶好蕭望之惡鄭朋華龍久惡張
子文好彭宣戴崇好梅福夫婦偕隱有古風好疏廣兒子勇
退無留蹤夾漈不解事滄浪時一中我作好惡篇不暇書恩
恩

卻寄陳笠帆中丞

時自浙江移撫山東

朝建西陵幢夕攬東山轡

聖主得賢臣文事必武備

東撫兼提督總兵官

先生大雅材敷歷以中

外昨請奏事書不覺頰首拜始言重守令百官之所最終言

正人心四民之所賴倉廩府庫中禮樂兵農內綱舉則目張

興利先除害因時度勢言正本清原在急者治其標君子務

知大往歲嚮單聞小醜實大慙形誠若豺虎奸更甚狼狽鉤

連河朔方直犯苑西界撲滅洵稱神震驚咄可惟國家待

臣氓恩德邁前代莠民固喪心殘吏尤汗背治既誤因循智

復墮茫昧如酒釀而成如癰養而潰

至尊堯舜君屢詔振聵聵皇極是訓行天心乃仁愛諸君答

昇平何以熙帝載諸將有禦侮何以敵王愼勿謂賊已殲前

禽邑不誠勿謂歲已豐哀鴻圖未繪先生承 命恭鼓舞亦
勞徠不牛劒犢刀不米珠薪桂民和頌有聲官邪儼不類夙
好敦詩書元氣調鼎鼐因之水土平占爲地天泰瑤宸褰絲
綸鈴閣詠裴帶士於上大夫禮本絕流輩詎將諛詞進重爲
盛德累顧念車笠盟謹獻韋弦佩願期交有功庶幾言無罪

夜坐

窗外數竿竹戛然時有聲深秋疑夜遠久雨得風晴賦擬歐
陽句詩慚劉洞名讀書餘可愛一卷又雞鳴

張鐵槍歌

淮甯張鐵槍嘗以鄉兵三百破賊五千人於盧氏時
嘉慶二年丁巳春二月白蓮教女賊齊王氏自楚掠
豫勢將南趨襄城葉張兵邀擊其衝賊遇而潰遂從

武關折竄秦蜀間而中州無賊矣當事者給張把總
銜棄之而去又十年儀徵雲臺阮公巡撫河南張乃
効力麾下嗣阮公再撫浙江命從行教習溫甯營槍
法俄公內召張送別至公家而翰林錢塘屠君孟昭
改知儀徵君嘗出阮公之門謁辭俶裝公贈以詩有
云梟徒頽泗來小鬪竟如戰我昔謀增兵請者議未
善爲此多隱憂保障非易見孟昭旣至邑遂從公所
聘得張捕縛蔣光斗等若干人真諸法胥十餘載漏
獲之戎首也其他餘梟禽治略盡然張客邑歷三年
未嘗言及盧氏戰功至是有清河沈司馬者始爲詳
述之當張殺賊時司馬固在河南言特有據孟昭稱
張諸技皆長而槍法尤絕其人則恂謹若書生忠信

出於天性旣爲歌詩竝屬余和余惟古之以鐵槍稱
者最著爲王彥章然彥章雖屢建奇功躋身將帥而
爲朱梁所用不善其終誠遭時使然抑亦實命不猶
今張身際清晏善刀而藏又得名卿茂宰先後識拔
間出其餘勇以佐諸大夫除害安良爲太平之人以
老是王鐵槍遇而不遇張鐵槍未遇而賢於遇也故
余贈詩之旨若此旣叙其功且樂其志焉

王鐵槍古之王彥章張鐵槍今之張永祥以古槍法殺今賊
古今人豈不相及賊掠信陽州遂犯盧氏縣龍頭天竈兵不
戰紫微勾陳賊乃竄中軍羅拜黑稍公上將間揮白羽扇鐵
槍非弁亦非將獨帥偏師出奇仗萬戶義結毛葫蘆一丈威
當麥鐵杖張鐵槍勢莫當五千者烏合三百者龍驤尉遲三

奪走且僵哥舒半段頤而長上馬殺賊今日路明日下馬草
露布不聞寡婦唱蓮花獨見將軍坐大樹鐵槍有賊鐵槍來
鐵槍無賊鐵槍歸雅歌投壺羊叔子斗酒彘肩呼壯士一試
河南北再試浙東西浮雲冒滄海落日照大旗此際名高八
陣圖此時槍急萬人呼識一丁字到處有挽兩石弓絕世無
鐵纏稍是韋欣慶刺虎矛如畢衆敬關前獨送阮中丞江上
相逢屠大令鳴琴可以治橫槊足以豪取人無復萑蒲澤譙
客有時甘蔗梢但知鐵槍之技絕不知鐵槍之功高張鐵槍
爾豈張紅眼王三鐵孰者矮張竹園張長子弟子師出律无
咎无譽坤括囊至今不見鐵槍之殺賊鐵槍斑斑賊之血髀
肉復生壺口缺三十六州不鑄鐵古之王鐵槍身死名不芳
今之張鐵槍身存力方剛不願鐵槍從觀諸將壁但願鐵槍

老作諸侯客槍苔槍不花鐵繡鐵不雪長歌已是豹留皮短歌休爲驥伏櫪

蘇州兩秀才行贈朱西生沈閨生

六門三關往復回蘇州乃有兩秀才盛名之下實難副西生閨生其選哉西生生於西乞漿未必能得酒閨生生逢閨青桐不敵黃楊寸西生之貌癯作爲文章乃獨腴閨生之詞寡發爲詩歌則九雅落落難合南陽之時多多益善淮陰之師鬱鬱不得志董邵南之有司醬瓿不妨揚待詔飯山相逢杜拾遺兩生與我交忘年我與兩生意忘言兩生蛩蛩負而走我亦惺惺惜之久具區峰高七十二兩生之秀有圖志滄浪亭直四百千兩生之才無價錢松品落落雪格索索宜乎兩生之寂寞天風浪浪海山蒼蒼以比兩生之詞章千將莫邪

可治不可折白馬匹練可望不可卽暮雨瀟瀟更不聞青春
堂堂足可惜讀不破萬卷書行不徧萬里路國風君子怨別
離楚詞美人恐遲暮與狐謀裘與羊謀羞鄙與肉食者謀長
袖善舞多錢善賈羞與噲等爲伍文選熟秀才足局促復局
促蝸牛戰蠻觸槐花黃舉子忙郎當何郎當鮑老笑郭郎樹
木嫁達官怕再仕而再化則不如窮而在下乞食可以吹簫
兩生不唱鬱輪袍痛飲可以讀騷兩生不得綏山桃若者牛
馬走若者姬姑耦若者泰山而北斗投之濁流曳落河東之
高閣逋逃數得君頓有兩玉人與我併爲三益友茂苑君釣
弋皋橋我杵臼但聽寒山鐘莫折蘇臺柳北郭可以詩東山
可以酒切勿抱佛腳且來相人偶然則兩生何姓名曰沈傳

桂曰朱綬

歲暮自真州還吳下留別巴樸園副使宿厓觀察

綠楊城郭舊真州到此從前悔遠遊
協律墮簾新樂府論交杵曰古詩流
飲醇味好逢君醉畫餅名虛媿我酬
賴有緇衣篇未逸不須歸贊鵬鵬裘

樸園贈裘

落帽題襟四十年傾囊倒篋五千篇
讀書少似歐陽九行路多於司馬遷
一曲焦桐矜大雅半林酸棗愛諸天
江中瓢與山頭笠直是先生累我傳

時將爲不佞校刊詩稿

迎鑾江上聽潮音擊楫還爲吳會吟
寸草春暉遊子意梅花風雪歲寒心
二分月朗珠簾隔宿厓時在揚州
三星稀玉漏沉園近有姬人之戚
莫更暫時愁錄別試鐙風裏重招尋

餅水齋詩集卷十六

餅水齋詩集卷十七

大興舒位立人

旃蒙大淵獻

正月朔有二日宋于庭孝廉自都還吳見訪越日招集
葑谿草堂竝出近詩相質因題卷端以當情話

三年一別鬢蒼蒼又是春風滿路香下第文章如左券故園
松菊未荒莊兩三冰雪圍親舊五六星辰過角張宛似城南

鐙火夜重來讀畫引杯長

酒間出示前所作城南鐙火圖

車後塵囊岸上船此生同住別離天吳頭楚尾能相憶燕草

秦桑又幾篇

卷中多遊江右陝西時詩

但覺窮愁書可著最難良會酒無

邊上元細字分明在一度題襟一惘然

顧

洛

西梅畫卓文君小像爲吳

長卿

更生題

一聞綠綺琴連夜相歡悅一唱白頭吟登時相決絕此亦奇
女子況復古詩人風流而放誕佇立以屏營叶長眉壻遠山
清臚翦秋水此豸增嬋娟余情悅淑美相逢吳季子忽慕蘭
相如與彼傳阿堵爲君賦子虛

春雪

春雪不可積蕭蕭作雨聲風簷疎欲斷冰柱溼猶明深巷晴
雙屐高樓夜一檠偶然閒米價頗悔未躬耕

書周希甫太守東岡詩牋後並示介夫孝廉實夫明經
斯人豈遂以詩傳收取聲名四十年隨會九京如可作鄭僑
一涕獨潛然龔黃治已揚前績元白才猶壓後賢太息結廬
周彥祖生平懷抱此縣縣太守嘗讀後漢書周燮傳而慕之故以東岡自號

回首龍門耿夢思三年江海恨來遲每聞緒論知心蹟重校

遺編感鬢絲百代光陰循吏傳一鐙風雨秀才時寸心得失
吾何與願發楹書作總持

仇英昭陽宮圖

漢宮第一是昭陽紙醉金迷不可量選樓特盛西都賦畫史
重開北苑妝屋不呈材牆不露寶帳芙蓉隱紅霧已唱畱仙
燕燕飛更占歸妹蛩蛩負當年流轉向長安歌舞陽阿結主
歡爭得方書授彭祖分明外傳付伶立便房省簿鴛鴦牒別
館通仙遠相接人間滋味五侯鯖夜半光華萬年蛤此時甲
第渭陽開引水穿城往復回漸臺忽肖白虎式靈廟誰歌赤
鳳來吹塤擊鼓凝絲竹更奏歸風送遠曲早聽童謠啄木門
似遵祖制藏金屋珠圍簾幙壁銜窗道是無雙卻有雙松舟
波皺千人櫂蘭室香凝二等釭別有深沉寫難徧長門永巷

無人見一紙私傳許嬋書
三秋新製班姬扇
昆明池底劫灰
塗海嶽船中絹本
龍可憐列女前編傳
不見名臣古畫圖

江上停雲詩

理棹渡江春風撲面人涉叩否一繫三商感陶元亮
羈羈之言思我朋舊天各一涯叩舷操觚遂盈篇什
雖復顯晦互異靜躁不同而以詩懷人要皆其人之
善於詩者也

蘇州李墨莊兵曹

鼎元

兵曹監馬政不知馬幾匹及督通州倉不知米幾粒
回翔鳳皇池往復琉球國海外萬斛舟人間一品集
往歲城南遊琴樽暢結習仰屋一心存臨歧兩手執
飢驅不可楊歡墜不可拾或寄袖中書難逢山上笠
仕宦居戶限著作厯階級思君

自咏詩蒼茫以獨立

臨清劉松嵐都轉 大觀

鐘鼓享爰居神仙化脈望遶東斗一州河東雪一將餘事詩
屢成直道疏獨抗拂衣良復佳彈冠非所尙臥公百尺樓豈
止牀下上壽公千載名何有年老壯田園未疎蕪文思復跌
宕招隱亮非誣當仁亦不讓先生吾父執同官絕五瘴不見
三十年相逢幸無恙

桐鄉陸杉石太守 元鉉

一麾唐杜牧三黜魯展禽不廢襄陽樂猶聞正始音入蜀蜀
道難渡海海水深最後歌出塞關隴浮雲陰宦情別巧拙吏
議持升沈抵鵲愛白璧逐鴟鷂黃金遲遲出門笑落落歸田
吟青氍割講席錦囊傲山林失職趣解組得句閒題襟得失

孰輕重知者惟寸心

太倉蕭子山明經掄

三十老明經五十少進士明經未易才進士夫已氏子山吾
老友經經而緯史尤長爲詩文實是以求是述者師其意作
者豐厥旨一字之褒榮一物不知恥據言唐文章制策漢末
耜茲惟功令存豈自關節始風雨動魚龍仁義動君子溫飽
諒無期窮愁轉可恃

錢唐陳雲伯大令文述

偶現宰官身不廢作詩譜萬首詩無題十年官不補做官一
身勞做詩一心苦手版天平明頭笠日卓午始工刻畫詞葉
葉三年楮旣緣綺靡情絲絲五雜組一變爲沈雄再變爲激
楚官卑詩彌高詩富官自賤子游之武城子賤之單父異乎

俗吏爲庶與古人處

蕭山單竹軒治中

渠

治中振奇人有用兼有體與我忘年交相視若昆弟方其志
刑法主客如飲醴生殺必以情進退必以禮及其論鹽鐵仕
宦如脫屣養志高堂前賈勇急流裏旣非龕官儔又非腐儒
比皮相誠難工肉食何嘗鄙南陔廣微詩南邨元亮里相戒
毋相忘此中有至理

昭文孫子瀟翰林

原湘

白鶴不能肥青鸞不能瘦置君神仙中老我公卿後有時酒
一樽手種雙紅豆有時燭三條腰佩雙紅綬鳳皇不馴圓麒麟
不秣廐山中桂樹生源外桃花候樵歸吾谷深漁唱尚湖
逗谷樹煙搖霏湖水風吹皺詩情違展裙書字盈懷袖客有

吹洞簫自向船舷叩

大興官尹兼郡丞

懋斌

燕臺擊筑來吳市吹簫去蹤蹟略相同懷抱豈別具買山君
遠引貧廡我流寓天涯作比鄰僻性耽佳句早年占科名中
歲出宰署京兆榜開花河陽官種樹方修乞郡章忽興懷田
賦宦境薄孤雲詩味灑零露對君無俗事思君有雅故一卷
自怡軒悠然見出處

仁和錢叔美水部

杜

夙世定詞客前身應畫師鄭虔有三絕顧愷多一癡與君相
結密桂館傾襟時我旣重君畫君尤愛我詩豈知至寶貴在
彼不在茲東西競塗抹南北紛驅馳泛泛芙蓉池匆匆楊柳
枝杳杳何處期緜緜不可思未怨長貧賤但愁遠別離畫蛇

槩貌癡體弱乃能封侯

右山陽王粲仲宣

懷文抱質君子彬彬如鶴在秋如雲在林引疾匪疎著書咸
備典論之中文選之外

右北海徐幹偉長

翩翩書記爰焚其山事有遲疾文無增刪搥鼓作吏撫琴作
技愛憎尤殊以儒爲戲

右陳畱阮瑀元瑜

初從辟屬庶子平原轉侍譙詠文學五官家世掌故斐然可
觀美志不遂稱於子桓

右汝南應瑒德璉

廓落之帶貴賤相嘲發彩疇昔獻諛今朝詣旨雖善禮防弗

申誰其平視一箇河神

右東平劉楨公幹

屠孟昭大令枉顧竝見貽是程堂詩集新刻卽日遲謝
先以詩報

石曰岡前獨往時金釐院底得歸遲一官百里江淮海三絕
千秋書畫詩仙骨通身聞芋熟禪機微笑有花知相逢恰在
弦歌地桃李桑麻要總持

宋影唐音付寫官吟情瀟灑宦情慳直教味在酸鹹外不覺

臣居廉讓間三舍避君書卓犖十年遲我石孱顏

集中有題伊墨卿太

守寒碧山莊遊卷云坐中五客識其四其一卽余亦知秦系

也此是乙丑年事時余與孟昭尙未得相識故云
狂成癖但向詩城覓往還

題寶夫泰山獨眺圖

有此蒼茫獨立時分明雲在意俱遲會當絕頂杜子美莫作
懸厓韓退之

五岳圖成祕未傳平生雙屐意蕭然與君昏宦粗能了自有
齊州九點煙

只輸一事馬相如心陋龍門封禪書願得崇朝雨天下絕無
依傍再躊躇

眞州張懷之秀才以柏梁體長歌題余春秋詠史樂府
作此答之

讀書不讀律此語激使然詠詩不詠史其道無足觀恭惟魯
春秋聖人實手編厥有左公穀臬所聞見傳東髮八家塾元
黃戰丹鉛經經以緯史舍此將奚先撰爲長短句列作輕重
篇未必效博議又敢參微言詩亡春秋作絕代如轡軒以詩

論春秋二者相牽連獨冠王正月必繫公元年一字寓褒貶
三才通地天傳疑楚倚相變體漢史遷而我識其小母乃爲
不賢呼豨恐未協狩麟難具宣聊充元凱癖不發康成箋君
今枉題贈好語明珠穿蹟頗涉標榜意自多纏綿大雅奏清
廟大經列學官儼君若匡鼎媿我非服虔千里不唾井三年
不窺園忽然出門笑畫壁旗亭還

題春秋詠史樂府後

夜深月黑陰風狂亂星撒沙天無光得君樂府過百章高
吟老屋聲琅琅拔山鞭石槌礪硯風迴大海瀾紫蒼巨刃
霍霍摩天揚噉吮鬼母啼陰房高與供奉相綢繆餘子瑣
謾不得望詠史樂府始漢唐迨後傳者惟李楊諸史得失
盛昭彰春秋時事略不詳先生健筆補闕亡羅列貫弗微

而臧想見萬卷撐胸腸臨紙怪發落墨強獅象力大誰能
量空堂但聞木犀香掩卷三歎神徬徨燭花蟲墮春茫茫

題陳謙谷

鴻慶

徵梅僊館圖

圖爲吉夢得男而作也

古月蒼蒼拂曙來青山無際海潮回故應別撰龍城錄萬樹
梅花一夜開

借他高格比天姿此是春風第一枝併入君家三秀草

謂小雲

英詩中有畫畫中詩

調羹事業歲寒心妙識芙蓉鏡下尋占得百花頭上句狀元
宰相聽佳音

于庭應赴滕縣講席紆道見訪竝貽樸學齋文錄二卷
占此送別

倒屣迎王粲筆囊愛鄭玄著書多口喫行路費腰纏且自遊

鄉校誰能問井田匆匆親戚話去去孝廉船

書子山癸亥歲吳門會合詩後

子山原序云今春余至吳下適孫子瀟自虞山來主
王仲瞿家旣而舒鐵雲呂叔訥亦至昕夕相聚於仲
瞿齋中因贈仲瞿并示諸君云云此癸亥年事也余
今歲復讀子山詩有感疇昔因成是篇

松堂裙屐舊雲煙亥字如身十二年百里賢人星落落一篇

漁父兩縣縣同時已作蕭條想往事翻從寂寞傳祇隔大江

衣帶水升沈去住各無邊

時孫子瀟以翰林通籍里居呂叔訥爲海州學正王仲瞿遊寓淮南

年來舊侶得時時相見於吳門者獨子山與余耳

題孟楷滄溟醉月圖

明月幾時有滄波開暮雲吹簫楊道士擊楫謝將軍橫海鯨

鮑仆諸天鸞鶴聞當年一杯酒相對自無羣

粉白佳公子丹青老畫師十年投筆去一夜剪燈時

圖爲楊補帆昌

緒所寫楊故福文襄幕下客也

海水搖空綠雲山闕異姿乘槎消息在莫唱

恨來遲

題傅青主霜紅龕詩集

東漢書中古逸民西京賦外舊徵君百年殘夢黃冠子三體
新詩白練裙故國山川花濺淚醉鄉日月鳥同羣亦知奇氣
長來往汐社柴墟策此勛

題李雯十八羅漢渡海圖

儀徵張槐卿藏

菩薩住山如無山羅漢渡海亦無海世人或以蹟象求千氣
萬力盡海水如是眾生苦惱緣乃覺苦海真無邊不可思議
金剛際獨到神妙秋毫巔一十八處皆有人一十八人皆有

身降龍伏虎如蠅蝨四大海水一剎塵不增不減不生滅超
出因緣十二劫泥牛香象兩無功忽然般若波羅蜜我向楞
嚴覓導師詩中非畫畫非詩卽看萬里駒鷗日何似三軍上

馬時

彼語阿羅漢
華言殺賊

祭酒吳穀人先生今主安定講席記奉袂春明邸第已
及卅載兩泊淮南皆未得值於抵眞州後賦詩據懷時
方乞先生爲拙藁作序故末篇及之

暮年詩賦少年場一世青春一瓣香殘夢已羸樓薄倖老成
猶見殿靈光人來烏帽黃塵外道在金釵絳帳旁到輒便教
風引去蓬萊山起海中央

終身祭酒邱靈鞠

用仲覽贈
先生句

小雅吹笙東廣微三徑綠園書

帶草一庭紅戲老萊衣文章自古湖山勝仕宦能居戶限稀

眼看少年三五輩東塗西抹各輕肥

萬古心胸萬里身三生香火一囊塵蓋隨文度臚顏恰敢效
林宗折角巾醬瓿千秋應有我飯山卓午竟何人幸然元晏
先生在更與重扶大雅輪

題儀徵張孝女碑後

張巧姑木匠張天相女也母卒兩兄習父業傭直他
所女獨與父處父肥病痺半體不仁舉步不能以寸
凡厥起居女實左右之比間稱焉乾隆甲子年正月
十八日夜鄰不戒火火大發女起視甫出火已封戶
則大呼入救見者止之不可遂入不出天明撿其尸
父疊女肩四手壓胸下者猶相握也蓋業負父於背
力不勝而仆而死耳時年十四邑諸生廖夢燿記

火能燒女身火不能燒女魂火卽能燒女魂必不能燒終天
罔極之深恩君不見秦女休龐娥親縋縈上書木蘭從軍江
潮汨汨巫迎神曹娥江上悲沈淪嗚呼水火無吉凶嗚呼忠
孝無雌雄姑年十四與娥同女子無成代有終女子竟如此
安論魯國男子孔融吳國男子張充杜陵男子蕭育之扶風
乃爲贊曰譔譔出出深深鬱鬱冬青萬年黃絹片石

題子山樊邨草堂圖

詩人例有草堂存樹繞書樓水到門絕妙盛唐詩本事藍田
別業浣花邨

樊邨涇在古婁東百里吳關一沙通乞食簫聲春米價平分
伍員與梁鴻

海內論交最數君六經三史老紛紜等身著書無不可切莫

更爲封禪文

水郭山邨新結構畫師詞客舊因緣蕭夫子與錢公子

錢七叔美

作圖夜夜滄江虹月船

題孟楷澄懷堂詩集後

南樓秋老漏絲絲愛坐鐙花手一編衣白神仙三萬軸汗青
風雨四千年癡人自衍魚龍戲鄙者徒資羔雁緣領袖文章
此英絕杜詩韓筆共迢然

浮生數十易紗裘彈指華嚴水自流用世可憐虛仕宦著書
豈必爲窮愁未妨餘事航佳句不覺多情感昔游我亦畱連
中一物與君商略到千秋

附丹陽道中寄孟楷書

孟楷茂才足下承賦詩贈行又枉送別心根于性情見乎

辭感甚感甚今之後生不思其才少而患其學術之疎然大雅未衰必有英絕領袖之者其在斯人與足下當不妄自菲薄也前所譚北直水利適僕爾時氣逆神移未能終竟其說然僕係北人舊嘗畱意於此三十年來從無人與僕論及者足下一旦下問心輒忤然大抵燕雲十六州之地僕少年車馬三四往還知其無處不可興水利者特當事者畏難苟安不爲慮始而北方之民愚懶相半有田不畊有機不織坐俟三冬之雪仲春之雨五穀勃然相慶收穫設使天屯其膏非澇卽旱男女嗟嘆併命饑寒弱者溝壑壯者四方其弊若彼而其患若此則惟水利之弗講也夫古之王者多在西北黍稷桑麻未嘗不備則以其得水利也今雖井田旣廢屯田可行屯田興而水利出焉僕又

知燕雲十六州之地又無處不可屯田也夫事之大且遠者必非一手足之烈亦非一朝暮之功若能儲其說以待之後必有因其利而用之者足下英年碩學必爲世用今者趁此三餘綴集舊說按切時執著成一編勝於議保甲志武備矣蓋北方之水以河爲主由屯田而及治河由治河而及海運足食與兵而民信之以養生送死無憾實爲王道之始此儒者之立言非處士之橫議也夜雨浪浪泊舟丹陽北郭聽榜人鼻息如宮商而僕不能陳寐遂翦燭書此甫抵揚州附家書以達太史遷所謂略成固陋者也舒位頓首

孟楷答詩

莫爲之前美弗彰莫爲之後盛弗繼齒牙餘論相獎成不

外文章與經濟姑蘇臺上多悲風霜天嘹唳來征鴻先生
尺素遠相寄題函記自眞州封書中之言厚期許大雅人
才吾與汝於庠少年事章句論人常苛己常恕腳指不敵
李幼廉頭責獨嚴秦子羽山膏象豚性好罵水母目蝦何
足語先生獨抱獎掖懷盡挽澆風敦古處所悲賤子蓬蒿
人爪甲安得元寶塵低眉俯首不快意冀博一第娛重親
不然浮名果何物肯事俗學銷青春方今國家費籌策漕
運河防此其極雖南工開事畚揭微山湖波利宣洩舳艫
西北勞轉輸耒耜東南絀民力爲問饑鵲搶地飛何似枯
魚過河泣輓粟有詔咨韋堅水利無人問虞集屋脊爬沙
撒飛雪轉念天涯意蕭瑟期君殘歲卻歸來擁鱸定我屯

田說

題武林閨秀汪端

小韻

秀才陳孟楷室

自然好學齋詩集

早傳彤管題雛鳳況有文簫儷彩鸞其地湖山名最勝此才
閨閣見猶難性情自與蕭疎近文字都從結習安林下清風
庭際雪不應多讓古人看

答孟楷論詩三首

古詩多歌謠性情之所寓有時天籟鳴適與人事遇今詩具
文章經史之所聚豈有未讀書便可耽佳句自從科舉行士
爲俗學趨橐筆名場來束書高閣去黠者竊取之拙者強思
慮有集皆哀然酬酢雜譬喻蝸但兩角爭貉各一邱據或僅
博醉飽或汲致聲譽其於古詩流百無一得處檜以下則哇
灌而往者醜

山川亘萬里跋涉固宜焉花鳥自一時留連亦偶然苟非卷

軸氣不結文字緣格律有獨尙宗派或屢遷唐詩沿六朝宋
詩出唐賢藝雖異工拙學豈乏根源私造絕妙辭飄忽稱游
仙憤作不了語虛空託逃禪艱深文淺陋鄭氏所不箋神奇
化臭腐莊子所不詮此詩可不作此作必不傳煙墨受搖駭
脈脈無能言

情景在詩中懷抱在詩外詩外苟無詩情與景皆累韻語實
心聲必非漫無爲不入忌柄鑿可信在區蓋苟作者咄嗟其
盈若溝渢強作者踟躕其棄若菅蒯要惟情物宏遂閱時運
泰人或以詩傳詩亦以人敗卽此便是學舍是更無僨言尤
擇其雅體必裁其僞勿受古人欺勿徇今人愛虛懷四海交
實下千秋淚

題洪稚存更生齋詩後

蘭陵江上舊書生直向天山絕頂行詩格全身摹杜甫酒杯
昨日泥陽城千秋餘事傾流輩萬死奇才博好名記取
君恩無量處烏頭馬角淚縱橫

題黃仲則悔存詩鈔後

傷心人住斷腸天零落棲遲五百篇貧戀微名甘下第僻耽
佳句僅中年登山臨水誰無恙成佛生天盡可憐一紙何如
十從事此詩終有此人傳

悔存詩爲翁覃谿學士選序而劉松嵐觀察刻之

巴陵杜老武昌崔不獨青山太白才

仲則以太白樓詩得名而其集中尚有岳陽樓

用杜韻黃鶴樓用崔韻兩篇並工此三樓皆俯臨大江

放膽文章少年去銷魂時候大

江來酒能化淚紅於血夢欲爲煙綠似苔亦是英雄亦兒女

玉樓天上又重開

梁山舟先生今年九十有三歲矣每見宋咸熙張翔鷺

吳長卿輒問訊不佞消息甚至屬諸君子轉致之長卿語以眞州巴樸園副使方爲不佞刊刻詩集先生撫几稱快者再頃不佞還吳下方欲修狀陳謝忽聞先生七月十五日之赴蓋不知涕之何從也秋夜聽雨不能成寐追念疇昔遂呼燈感爲此篇

淡墨探花王禹卿濃墨宰相劉諸城不若同時學士濃淡相與成濃亦不肉食淡亦不骨立惟其慣用筆是以善用墨宜

城上黨露垂秋海嶽滄江虹貫月前年爲我書長卷卷長一

丈猶嫌短自言年老不成精獨許詩狂重題歎

庚午七月謁先生於里第

矜許拙詩有太白再來之語且言昨者方制府蔣中丞並修館後進禮踵索書字皆以年老腕弱謝之今子能作如此好詩遠來相訪當不憚爲書之遂寫高麗箋橫卷集杜詩今古體三十四首後作細行楷書跋語數十字僅如牛毛他所書楹帖便面又十數種時先生年八十有八矣蓋希世之珍也矜此寵榮拜此賜香火因緣

風雅事飢來驅我九州煙夢亦見公三歲字間訊東橋竹寄
贈江南梅此日足可惜今雨胡不來南尋禹穴送詩卷西出
陽關思酒杯卽此逢人說項斯何殊因使寄微之黿戴三山
自覺重宦化千年那得知大雅之曲終大耋之嗟凶修竹不
受暑枯桑知天風人間自有中元節世上本無百歲翁生芻
一束徐孺子當歸一篋吳太史招魂南屏鐘墜淚西湖水山
邱華屋曹東阿老成典型孔北海安得五更追轉李邕魂誰
知千秋放走羲之鬼

彭甘亭明經與僕詩札往復者十餘年訖未識面頃僕
還自眞州甘亭時赴安慶小泊吳下相遇於雲伯桂葉
書堂各道姓名雲伯遂酌飲竟夕同此席者子山孟楷
無他客也

日下荀鳴雀雲間陸士龍古今誰獨絕爾我竟相逢揚子江
中鏡寒山寺裏鐘居然五百里太史一星終

叢桂畱人處衰蘭送客天三杯蕉葉暈七字蕩花禪

見貽慈山大師

法語一部

拓落蕭東海樓遲沈下賢

甘亭主其妹婿沈五孝廉中立家

相思有張

本刺刺省他年

甘亭別索余書云欲爲後日相思張本

故人非俗吏有子總能文好客每投轄作詩不閉門草名思
遠志柳色易銷魂青峭數峰在皖公空酒樽

和尙太守謠

王樹勳者不知何許人始在揚州木蘭院爲道者後
入京師廣惠寺薙髮爲僧稱明心和尙尋以事發懲
逐之遂潛自蓄髮變姓名援例爲湖北同知擢守襄
陽會疆吏請改襄陽爲繁郡樹勳才不能勝例應別

調吏部駁議而樹勳則當解任至都御史湘潭石公

承藻

首發其奸詰罪既實編管黑龍江并先於刑部

衙門荷校兩月然後發遣云

嘉慶二十年六月邸報

棄民爲僧如禿鶩棄僧爲官如沐猴宦成黃雀樓中住事敗
黑龍江上去南來初寂寞騎上揚州霍北去尤蕭條凍殺紇
干雀無端忽慕竺法深有時化爲支道林碧紗籠邊鐘悄悄
青蓮鉢底花沈沈石塔寺無一縫金輪會有萬眾吳國銅餅
五色堅趙州布衫七斤重借得如意影放下茗帚柄或現宰
官身或佩國公印兩眼看天雋不疑五體投地霍去病豈知
襄樣節度乃有敘勳僧正聚處禪師之闕場佳處仕宦之捷
徑君不見南州傳法唐慧能又不見西蜀入資漢長卿料得
清貧饒太守儼然天竺古先生恆星不見官星見不看僧面

看佛面恩恩一曲雉朝飛啞啞三更烏夜啼州亦不可添詩
亦不可改白銅鞮上春如夢黃金臺畔人如海珊瑚者骨種
種者髮不須笑整冠且與翻著餽卿在鴈門關來師言石頭
路滑鈴音云何劬禿當禪味如是乾屎橛贈君以繞朝之馬
楊李斯之狗枷戕戕御史府堂堂司寇衙五百劫恆河沙二
千石優曇花紆青拖紫波斯匿偃紅倚翠摩登伽於是乎始
墨於是乎始鬢汝受諸苦惱何不出了家吁嗟乎天下雖大
難容其身地獄之設正爲此人今我故我無臣有臣東之高
開問諸水濱初不若劉孝標典校祕閣上峻本名法武宋泰
始初年八歲爲人
所畧與母竝出家爲尼僧既又不若楊法持戰勝邊庭壯宋
而還俗梁天監初典校祕閣又不若楊法持戰勝邊庭壯宋
道人楊法持與齊高帝有爰有薛懷義行軍總管彼一將懷
舊建元初爲甯朔將軍爰有薛懷義行軍總管彼一將懷
爲行軍大總復述李罕之中書門下此一相罕之卽所謂李
摩雲者也初爲
管學突厥

浮屠後李克用表為韋渠旣工古樂府渠從李白授古樂府
中書門下平章事賈島亦登進士膺島初為浮屠韓滉表試
校書進至四門博士買島亦登進士膺島初為浮屠韓滉表試
士再擢太常卿徐陵弟孝克有口辨能談玄理侯景
進士國子祭酒理又立之亂刺髮為沙門改名法整後還俗
第國子閤門祇候言非誑宋青澗僧王守信擅勇善騎射種
為國子祭酒閤門祇候言非誑宋青澗僧王守信擅勇善騎射種
祭酒元昊通和馮延魯去空遯逃師至髡髮僧服而逃識者
後誘開門祇候和馮延魯去空遯逃師至髡髮僧服而逃識者
進送周師世宗釋孫景元來會供養劉宋時有法畧道人先
還終來使法畧罷道本姓孫改而況徐湛之愛湯惠休釋惠
先往來使法畧罷道本姓孫改而況徐湛之愛湯惠休釋惠
名景元以為藏質甯遠參軍而況徐湛之愛湯惠休釋惠
屬文徐湛之與之厚宋孝武命阮佃夫薦茹法亮法亮於宋
使還俗本姓湯官至揚州從事阮佃夫薦茹法亮法亮於宋
出家為道人明帝初罷道結事阮佃夫薦茹法亮法亮於宋
佃夫累官齊高帝府冠軍參軍青史十七部白髮三千丈
既已追度牒何又進治狀獨不見襄陽太守明和尚

雜題六言

明月揚州無賴暮雨蘇州不聞我自吹簫來去伍胥杜牧平

分

蕭樓忽開文選名士多於鯽魚不收右軍真蹟卻入少卿僞書

解印已過芒種催租不待重陽市虎三人可怪鄰雞一月何妨

萑蒲取子太叔縲紲非公冶長讀史滅容票騎傳經折獄公羊

不毛之地廖立寇氏之子劉封記得先庚後甲還君此始此終

催科忽書下考抗疏自號中庸紅杏枝頭春鬧紫薇花下冬烘

謝觀音十一面鐵羅漢五百頭雙眉龍伸頤刻鯢居鮒入春

秋

捉刀風斯下矣銜杯時復中之豈是談嘲張裔可憐畫諸宗
資

梁國自嚇腐鼠葉公不好真龍一局棋詎得爾三語掾將毋
同

知人几案間事乃從屋漏中來牽連郎出郎出斷送于思于
思

文不必長楊賦武不必細柳營人才亦堪令僕中郎何如老
兵

塵垢囊逐文度廓落帶謂子桓摩挲鐘鼎欵識撫掩優孟衣
冠

書孟楷無題詩後卽用其韻

何處山邊有一樓黃金鎖鎖玉鉤鉤分明有句如無句但覺
言愁始欲愁強半詠懷疑昨夜此生得氣近深秋不知寄託
緣何事量到腰圍責到頭

三生曾作食言肥五夜偏教選夢稀辟穀只餐三秀草戒寒
猶御五銖衣醉中繡佛人誰信空處游仙我更非除是鴛鴦
不作客伯勞東去燕西飛

紅雲居接碧雲端歌舞相逢白鳳鸞放崔人歸山路重釣鼇
客去海天寬怱怱欲別楊枝小脈脈無言棗樹酸若向東南
歌日出雞黃樂府曉團團

巫峽朝雲夢易涼巴山夜雨話難忘碧城寒玉逢蕭史青廓
眞珠下小娘脯乍擗來偏愛鹿麋從乞得便稱鶯依然釧動
花飛處鏡檻香臺卽道場

此四首作于吳門寓樓燈下次日還稿于孟楷又次日而
理棹遂不得書今日坐紅船自潤州渡真州沿江四十餘
里船大風小江平如鏡而舟行頗遲乃取筆硯就船書之
作詩者自有接觸和詩者第弗深攷同臺喫飯各自修行
回視金焦二山皆如鄭公斌媚矣與米老羣山迎快風別
是一般滋味乙亥良月哉生霸收口至黃林港落帆書鐵
雲山人記

余校刊餅水齋集既卒業先生詩尙有詠襄陽太守王樹
勳事所謂和尚太守謠者爲世膾炙而集中弗載頗疑書
闕有間旣而仲儀復覓得餅水齋詩話寫本卷尾有孤子
昌枚識語稱先生別有乙亥年詩一卷未刻願以搜輯末
由徒事惋歎歲庚寅十一月松生之猶子修甫孝廉偶坐

坊肆睹架庋舊刻餅水齋集試一抽閱則乙亥年詩已編
列第十七卷和尚太守謠一篇固儼然在也喜而見貽迺
併詩話一卷均續付畝刪蓋延津龍劍終久必合文人慧
業理亦宜然刊成附識如左世有嗜先生詩者當同爲拊
掌也光緒辛卯天中節後一日保樞再識於武林寓齋